



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD ŽIVINICE  
**Savjet za lokalni ekonomski razvoj (SLER)**  
Živinice, 13.08.2019. godine

ZAPISNIK

Sa sastanka SLER-a, održanog 13.08.2019.godine, sa početkom u 14 sati u prostorijama Grada Živinice (Sala za sastanke – kabinet Gradonačelnika).

Sastanku prisutni članovi SLER-a, prema listi sa potpisima koja je u prilogu.

Na sastanku je razmatran sljedeći dnevni red:

1. Poslovne zone
2. Cijena i kvalitet komunalnih usluga

1. U uvodnom obraćanju Gradonačelnik je upoznao prisutne sa trenutnim stanjem, do sada okončanim investicijama i raspoloživim kapacitetima u poslovnoj zoni Ciljuge 2., te sa planovima o uspostavi Nove poslovne zone kod Coca – Cole u okviru koje bi bio izgrađen i uspostavljen i tehnološki park.

Za riječ se javio Safet Dervišević (Kera Disk, doo) koji je naveo dugogodišnji problem koje poslodavci imaju u poslovnoj zoni „Maline“. Izrazio je svoju konstataciju da poslodavci u ovoj poslovnoj zoni rade takoreći na ivici zakonitosti zbog nepostojanja minimalnih uslova za rad a sve zbog nedostatka vode, struje, odvodnje otpadnih voda, rasvjete, loše riješenih saobraćajnih rješenja. Definitivno se prva i najstarija poslovna zona mora dovesti u red i barem dio sredstava koje poslodavci iz ove poslovne zone uplaćuju da se vrati kroz ulaganje u infrastrukturu.

Željko Mandić (Alfe mi, doo) obratio sa molbom da se uozbilji priča oko unapređenja poslovnih zona, pogotovo one u Malinama.

U vezi sa prethodnim primjedbama Gradonačelnik je upoznao da je u Budžetu za 2019.g. planirano rješavanje vodovodnog sistema a da se za kanalizacioni sistem apliciralo kod Ministarstva obrta i poduzetništva FBiH, te da će se i naredne godine planirati sredstva u budžet za nastavak infrastrukturnih radova u postojećim zonama.

Zaključeno je da se podržava opredjeljenje JLS za dalji razvoj novih poslovnih zona uz obavezu vođenja računa da se i u postojećim rješavaju infrastrukturni problemi naslijeđeni iz prethodnog perioda.

2. Prisutni su upoznati sa cijenama komunalnih usluga prikupljenih od javnih preduzeća – pružaoca usluga na području grada Živinice. Nakon duže diskusije u kojoj su učešće uzeli svi prisutni i koja je bila u ujednačenom tonu, zaključeno je da su cijene usluga izuzev el.energije prihvatljive, ali da su cijene električne energije, pogotovo industrijske destimulativne, te bi bilo nužno uputiti inicijativu Federalnoj vladi i parlamentu da se cijena iste preispita.

Sastanak je završen u 16 sati.

Zapisnik sačinio:  
Admir Aljić